

CENTRALNA BANKA BOSNE I HERCEGOVINE

Na osnovu člana 2. stava 3. tačke h., člana 7. tačke a), člana 39. i 45. Zakona o Centralnoj banci Bosne i Hercegovine („Službeni glasnik BiH“, br. 1/97, 29/02, 13/03, 14/03, 09/05, 76/06 i 32/07) Upravno vijeće Centralne banke Bosne i Hercegovine, na 12. sjednici od 30.09.2019. godine, donosi

ODLUKU

o puštanju u opticaj novčanica konvertibilne marke
apoen 10, 20, 50 i 100 konvertibilnih maraka

Član 1.

(Uvodne odredbe)

Centralna banka Bosne i Hercegovine štampala je novčanice konvertibilnih maraka (u daljem tekstu: KM) u apoenima od 10, 20, 50 i 100 KM, izdanja 2019. godine, u verziji Federacije Bosne i Hercegovine i verziji Republike Srpske.

Član 2.

(Osnovna obilježja i dizajn novčanica KM)

Novčanice KM iz člana 1. ove odluke imaju osnovna obilježja i dizajn u svemu utvrđena Odlukom o osnovnim obilježjima i dizajnu novčanica konvertibilne marke apoen 10, 20, 50 i 100 konvertibilnih maraka („Službeni glasnik BiH“, br. 22/11 i 49/18).

Član 3.

(Godina izdanja novčanica KM)

Novčanice KM iz člana 1. ove odluke štampane su s godinom izdanja “2019”.

Član 4.

(Zakonsko sredstvo plaćanja)

Obje verzije novčanica KM iz ove odluke su, po Zakonu o Centralnoj banci Bosne i Hercegovine, ravnopravne i sve javne i privatne institucije i ustanove, pravna i fizička lica obavezna su ih prihvatiti u njihovoj nominalnoj vrijednosti kao zakonsko sredstvo plaćanja, kada im se ponude u gotovinskim transakcijama, odnosno u poravnanju i plaćanju bilo kojih obaveza prema njima, na cijeloj teritoriji Bosne i Hercegovine.

Član 5.

(Puštanje u opticaj novčanica KM)

Stupanjem na snagu ove odluke Centralna banka Bosne i Hercegovine će, preko Centralnog ureda, glavnih jedinica i filijala, novčanice iz ove odluke puštati u opticaj sukcesivno, u skladu s inventurom zaliha novčanica i planom izdavanja novčanica u opticaju.

Član 6.

(Stupanje na snagu)

Ova odluka stupa na snagu osmog dana od dana objavljivanja u “Službenom glasniku BiH”, a objaviće se i u “Službenim novinama Federacije BiH”, “Službenom glasniku Republike Srpske” i “Službenom glasniku Brčko distrikta BiH”.

Broj: UV-122-01-1-2468-6/19 DS

30. septembar 2019. godine

Sarajevo

Predsjedavajući
Upravnog vijeća Centralne banke
Bosne i Hercegovine
GUVERNER
dr. Senad Softić